

Broj: 01-45-2995-1/23
Mostar, 10.07.2023.godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 17-07-2023			
Org. jed.	Broj	Priloga	Vrijednost
05/1	-02-	166	123

Bosna i Hercegovina
Federacija Bosne i Hercegovine
PARLAMENT FEDERACIJE BiH
PREDSTAVNIČKI DOM

n/r gosp. Admir Čavalić, poslanik u Predstavničkom domu

n/r gosp. Ivan Miličević, sekretar Predstavničkog doma

Ul. Hamdije Kreševljakovića br. 3
71000 Sarajevo

PREDMET: Odgovor na poslaničko pitanje, dostavlja se

Poštovani,

Federalnom ministarstvu obrazovanja i nauke je, aktom sekretara Vlade Federacije BiH, broj: 03-02-96-4/2023 od 27.06.2023. godine, dostavljeno, radi odgovora u skladu sa nadležnostima, poslaničko pitanje koje je postavio Admir Čavalić, poslanik u Predstavničkom domu Parlamenta Federacije BiH, a koje je Vladi Federacije BiH dostavljeno aktom sekretara Predstavničkog doma Parlamenta Federacije BiH, broj: 05/1-02-166/23 od 26.06.2023. godine.

Poslaničko pitanje glasi:

„Da mi se dostave imena i prezimena, stručne spreme, radno iskustvo itd. - biografije imenovanih savjetnika u federalnim ministarstvima i kabinetu premijera FBiH.“

S tim u vezi, Federalno ministarstvo obrazovanja i nauke Vam dostavlja sljedeće podatke:

Federalna ministrica obrazovanja i nauke prof.dr.Jasna Duraković imenovala je tri savjetnika, i to:

1. van.prof.dr.sc. Seid Masnica, savjetnik za visoko obrazovanje, nauku i tehnologije

Vanredni profesor iz područja Društvenih nauka - polje Informacijske i komunikacijske nauke - grana Komunikologija

Univerzitetski profesor, dugogodišnji urednik i producent na BHRT-u. Uporedo sa aktivnim uredničkim angažmanom na BHRT-u, predavač je na nekoliko Univerziteta u BiH na katedrama za novinarstvo, kulturologiju, komunikologiju, poslovno komuniciranje, te međunarodne odnose i diplomaciju. Matični mu je Univerzitet Džemal Bijedić u Mostaru – Fakultet humanističkih nauka/ Odsjek za komunikologiju.

Znanstveno zanimanje su mu mediji, odnosi s javnošću i poslovno/korporativno komuniciranje. Magistrirao na Fakultetu Političkih nauka u Sarajevu na znanstvenom studiju Komunikologije na temu: "Interpersonalna komunikacija u gradu Mostaru", a doktorsku tezu odbranio je na Univerzitetu "Džemal Bijedić" na Fakultetu humanističkih nauka iz oblasti korporativnog komuniciranja na temu: "Suodnos interne i interpersonalne komunikacije u savremenim bh. kompanijama. Specijalizirao je na desetine prestižnih institucija u zemlji i inozemstvu, između ostalih na Voice of America u Washingtonu – "Business and Economy Reporting", te Strazburu, Francuska - "Digitalization public broadcasting services programs and leadership and media management". Objavljivao je do danas na desetine znanstvenih radova u referentnim znanstvenim časopisima na temu interpersonalne komunikacije, korporativnog komuniciranja, medija i odnosa s javnošću. Kao mentor izveo je do sada više od stotinu kandidata na Prvom ciklusu studija, kao i desetke magistara struke na Drugom ciklusu studija.

Objavio je i Poglavlje u knjizi: "Women in Bosnia-Herzegovina: Deprived, but Successful" (sa Lejlom Turčilo), u: Schubert, Gabriella; Deimel, Johanna (Eds.): Women in the Balkans/Southeastern Europe. Leipzig, Biblion Media 2016. Van. prof. dr. sc. Seid Masnica objavio je 2018. knjigu pod nazivom "Komunikacija u multietničkim zajednicama: konteksti, stereotipi, predrasude". Trenutno priprema objavljivanje dvije autrske knjige - Uvod u novinarstvo i tv produkcija, te Korporativne komunikacije.

2. Belma Trajkov, savjetnica za ekonomska i pravna pitanja

Dugogodišnje iskustvo u tijelima javne uprave – sekretarka Ministarstva za nauku, visoko obrazovanje i mlade Kantona Sarajevo (februar 2020.- 16.05.2023), te sekretarka Ministarstva za rad, socijalnu politiku, raseljena lica i izbjeglice Kantona Sarajevo (april 2017. – februar 2020). U istom Ministarstvu radila je i kao stručna savjetnica za projekte iz oblasti rada, socijalne politike, raseljenih lica i izbjeglica (novembar 2016. - april 2017.), odnosno kao stručna savjetnica za izradu propisa i upravno rješavanje (septembar 2016. - novembar 2016).

Prethodno je u Ministarstvu sigurnosti Bosne i Hercegovine - Direkciji za koordinaciju policijskih tijela Bosne i Hercegovine radila radila kao stručna savjetnica za normativnopravne poslove (novembar 2015 – septembar 2016.) i kao viša stručna saradnica za interne propise i usklađivanje (juni 2012. - novembar 2015.), sa bezbjednosnom dozvolom za pristup tajnim podacima stepena „Povjerljivo“. U Ministarstvu civilnih poslova Bosne i Hercegovine - Centru za uklanjanje mina u Bosni i Hercegovini radila je kao viša samostalna referentica za javne nabavke (septembar 2010. – juni 2012.) te kao viša stručna saradnica za opće, pravne i personalne poslove (juli 2009. - august 2010.). Također, sa radnim iskustvom u privredi i advokaturi.

Profesionalna i stručna znanja kontinuirano je razvijala i poboljšavala kroz različite dodatne edukacije i seminare, a imenovanjima Vlade Kantona Sarajevo dodatno je bila angažirana vršiteljica kao članica Upravnog odbora Javne ustanove Muzej „Alija Izetbegović“ i Upravnog odbora Javne ustanove „Univerzitet u Sarajevu“, te kao članica radnih grupa za analizu postojećih zakona i propisa koji se odnose na različite kategorije državne i javne imovine, za tumačenje kolektivnog ugovora za djelatnost visokog obrazovanja i nauke na Univerzitetu u Sarajevu, za izradu Akcionog plana za ravnopravnost spolova u Kantonu Sarajevo, predstavnica Vlade Kantona Sarajevo u Radnoj grupi za evropske integracije BiH, kao članica Komisije za tumačenje kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo, članica Kantonalnog odbora za razvoj (KOR) – Kanton Sarajevo, članica radnih grupa za izradu Akcionog plana za ravnopravnost spolova i za izradu podzakonskog akta u vezi zapošljavanja u javnom sektoru na području Kantona Sarajevo i dr.

Izvan profesionalne službe angažirana je kao predsjednica Association Loop Ensemble – Udruženja za građanske inicijative te kao predsjednica Rolersko – borderskog kluba „LUP“ i generalni sekretar Skateboarding i rolerskog saveza F BiH.

Izuzetno sportski aktivna u umjetničkom klizanju na ledu i umjetničkom rolanju, te kao instruktorka klizanja i nacionalni sudija u umjetničkom klizanju na ledu.

3. Benjamin Hedžić, savjetnik za predškolsko, osnovno i srednje obrazovanje

Diplomirao na Filozofskom fakultetu u Sarajevu, odsjek Germanistika. Specijalistički studij iz oblasti Didaktike nastave njemačkog jezika završio na Univerzitetu u Kaselu u Njemačkoj, doktorand je teorije nastave na Univerzitetu u Zagrebu.

Osam godina direktor Gimnazije Obala Sarajevo, u čijim okvirima je proveo na desetine projekata za mlade i iz oblasti obrazovanja. Mnogi on njih i u internacionalnim kontekstima. Nekoliko puta nagrađen kao profesor njemačkog jezika. 2022. godine dobio nagradu za najboljeg direktora regije. U mandatu direktora Gimnazija Obala u Sarajevu od američke ambasade nagrađena kao „Najdemokratičnija škola u BiH“

Licencirani multiplikator i predavač teorije nastave pri Goethe Institutu u BiH i u Centrali za nastavu njemačke vlade.

Tri godine bio voditelj stručnog tima u reformi obrazovanja Kantona Sarajevo.

Od 2021. godine predsjednik najvećeg svjetskog udruženja profesorica i profesora njemačkog jezika sa sjedištem u Njemačkoj. Pod čijim upravljanjem se nalazi oko 250 000 profesorica i profesora iz 96 zemalja svijeta.

Autor je desetine naučnih i stručnih članaka, nastavnih i kurikulularnih programa kako u BiH tako i u zemljama njemačkog govornog područja.

Autor je kurikuluma za njemački jezik kao popratni studijski predmet u Srbiji i Hrvatskoj.

Organizovao i presjedavao desetini naučnih skupova na skoro svim kontinentima svijeta, najveći u New Orleans u SAD-u 2018. sa 20.000 učesnika, a posljednji 2022. sa skoro 3000 učesnika na Univerzitetu u Beču 2023. Predsjednik i organizator prvog kongresa profesora njemačkog jezika subsaharne Afrike sa ciljem jačanja žena u obrazovnom procesu ove regije.

Benjamin Hedžić predsjedava Interresornom obrazovnom komisijom Njemačke, Austrije, Švicarske i Luksemburga. Benjamin Hedžić se bori za prava mladih na bezbrižno obrazovanje i višejezičnost, kao i za jednakopravnost profesorica u mnogim zemljama svijeta, gdje su prava žena i manjina ugrožena.

S poštovanjem,



MINISTRICA

prof.dr. Jasna Duraković

Jasna Duraković

Dostavljeno:

- Naslovu
- Generalnom sekretarijatu Vlade Federacije BiH
- a/a